

593 Abrechnig

Scho wieder han ich es ganzes Johr,
es chunnt mir wenigstens so vor,
wie en Schnällzug a miner Nase
i d Vergangeheit gseh rase.
Doch das Mal han ich, s isch es so,
2018 ganz gern rase loh.
Es isch es Jahr gsi, ganz verschisse.
2018, tue dich nid vermisse!
Du hesch eus plaget, dass es kracht.
Hesch eus a eusi Grenze bracht.
Hesch eus meh als s`halbi Jahr
vom Läbe gschtole, das isch klar.
Hesch üs au es ganzes Schtück
klaut vo eusem Lebensglück.
Mir händ gmeint i all de Jahr,
s`laufi immer so wunderbar.

Doch wie me gseht, mir händ eus tosche,
plötzlich kriegsch en Chlapf a d Gosche.
D`Wirklichkeit die holt dich i,
es isch e so, es bleibt derbi:
Im Läbe chasch nöd immer gwünne.
S`Glücksfass fangt a mängisch rünne!
Nei, s git Zyte wo statt Säge
Trüebosal bringe i dis Läbe.
Drum bleibt halt nur, für Optimische,
der Deckel z lüpfe vo der Chischte
und drinn z`luege, was het s neui Johr
mit eus liebe Mensche vor.
Es nützt keis Zwylfe und keis Rate,
muesch`s eifach wachse lah im Garte.
Drum, chli Vertraue isch doch guet,
dass s neui Jahr chli besser tuet!